

# ACHILLIS STATII LVSITANI

DE REDITIB. ECCLESIASTICIS  
QVI BENEFICIIS ET PENSIONIB.  
CONTINENTVR.

*Commentarioli. I I.*

Inlustrissimo ac Reuerendis. D.  
Stanislao Hosio S. R. E. Card.  
magnoq. paenitentiario  
DD.



R O M AE,

*Apud Haredes Antonij Bladij Impressores Camerales.  
Anno Iubilai. M. D. LXXV.*

2.

676.5



STANISLAO HOSIO

S. R. E. CARDINALI

VVARMIE NSI,

magnoq. Paenitentiario patrono  
suo Colendissimo.

ACHILLES STATIVS SAL.



*M*tuorum erga me merito  
rū magnitudo, ac perpetua  
de me melius indies merēdi  
voluntas postulare videren  
tur, ut quam frequenti apud homines  
oratione grati animi significationē prae-  
me semper tulissem, scripto etiam ad om-  
nem memoriā testarer, ego vero qui ma-  
ius aliquid hoc tempore, & ista dignum  
persona non habebam, quae fuerunt in  
promptu, bina videlicet munuscula, al-  
terum quidem, ut scis, editum pridem,  
sed a me nunc retractatum non nihil, al-  
terum vero plane recens mittere ad te,

A ij quam

quam nihil omnino malui. Sed ego re-  
rum parentem naturam imitari volui,  
paruisq. ab initijs maiora sumens incre-  
menta, beneficiorum tuorum magnitudi-  
nem equidem non adsequar, sed quod  
unum licebit, utcumq. scilicet imitabor.  
Doles tu quidem saepe communes casus,  
& haereticorum hominum improbitatē,  
ac perfidiam grauissimis etiam scriptis  
saepius retundis. sed eundem te non mi-  
nus profecto mouent quae in clero, popu-  
loq. Christiano insunt vitia, ac turpes il-  
lae detestabili prorsus auaritia suscep-  
tae maculae. Quas non meis, sed san-  
ctorū Patrum salutaribus monitis uti-  
nam tādē aliquando eluant homines,  
& in beneficijs benefacere, & in pensioni-  
bus pensi aliquid salutis suae memores  
habere condiscant. Vale. Dat. Romae  
VI. Kal. Apr. 1575.

ACHIL

# ACHILLES STATIVS

LVSIANVS,

MARTINO AZPILCVETAE NAVARRO,  
*viro ornatiss. ac iurisconsultiss. in Domino*  
*Salutem.*

139



VM iam pridem in eadem, qua  
tu, cogitatione versatus, de tota  
Ecclesiasticae pecuniae ratione  
commentariolum mihi ipse con-  
fecissem, eum domi scilicet serua-  
ui tam diu, atque in sinu prope cō-  
tinui, quoad nostrae aetatis hominum ea de re opi-  
niones explorassem. In quibus tu ista auctoritate,  
virtute, eruditione dignam sententiam princeps  
dixisti, & vero etiā litteris publice mandasti. Quae  
tamen si propter nominis tui magnitudinem & ad-  
mirabilem istam in omni genere laudis praestan-  
tiam, apud omnes homines plurimum valet, quia  
tamen vir singulari pietate, ac doctrina praeditus  
Franciscus Turrianus in eandem sententiam pedi-  
bus isset, ac manibus, idque elegantissima ad Lao-  
dicensem Episcopum epistula declarasset, tritam  
satis iam esse viam putavi, qua ceteris, quibus idem  
videretur, ingredi liceret. Ergo ego qualemcum-  
que lucubratiunculam meam perire nolui, ad teq.  
mittendam putavi, vt si probares ipse, dux, & au-  
ctor scriptionis huius, manare tuto posset ad cete-  
ros, sin improbares; equidem non recusarem, quo-  
minus etiam periret. Hic vero labor ipse meus  
mihi, Deo est gratia, plurimum, si praeterea ne-  
mini, profuit, multumque religionis iniecit, ne

A 3      saeculi

saeculi nostri contagione infectus eo prolaberer, quo cupidi hodie multi mortales, atque ambitiosi praecipites feruntur. Neque vero, qui me ne de nomine quidem fortasse nosti, ad te sum veritus scribere, quem olim Conimbrigae, vbi mihi nutriti, ac doceri puero contigit, gentis meae praeclarissimum doctorem, ac magistrum inter ceteros & obseruaui, & sum maxime semper admiratus. Itaque me, & tua in omnes bonarum artium studiosos humanitas, & summum in gentem meam studium tuum, idemque vtriusque nostrum sensus inpulerunt, vt te scripto nunc, etsi non dedignabere, coram etiam fidenter conuenirem. Sed iam demum quam proposui ad rem adgrediar.

Principio quod ad rem maxime pertinet, quaerendum videtur, cuiusmodi sint res ipsae Ecclesiasticae, id vero est, a quibus profectae, atq. oblatae, quibus item de causis, & quos denique in vsus eorum, qui obtulerint, sententia ad Episcoporum pedes, qui sunt ipsi successores Apostolorum, delatae. quod ipsum aperte quidem, breuiterque declarat Aquisgranense Concilium cap. CXVI. in quo sic est. Res Ecclesiae, sicut a sanctis patribus traditur, & in superioribus capitulis continetur, vota sunt fidelium, pretia peccatorum, & patrimonium pauperum. fideles namque fidei ardore, & Christi amore succensi, ob animarum suarum remedium, & caelestis patriae desiderium, suis proprijs facultatibus sanctam locupletem fecerunt Ecclesiam, vt his & milites Christi alerentur, & Ecclesiae exornarentur, pauperes recrearentur, & captiui pro temporum opportunitate redimerentur. Quapropter vigilantia, ac sollerti cura prouiden-

dum

dum est eis, qui eius facultates administrant, ne  
 eas in suos solummodo usus conuertant, sed ma-  
 gis iuxta possibilitatem rerum Christo famulan-  
 tium, immo eorum, in quibus Christus pascitur,  
 & vestitur, curam gerere penitus non neglegant.  
 In eandem sententiam Urbanus Pont. Max. Res  
 Ecclesiae fidelium oblationes appellantur, quia  
 Domino offeruntur. non ergo debet in alios usus,  
 quam in ecclesiasticos, & praedictorum Christia-  
 norum fratrum indigentium conuerti, quia vota  
 sunt fidelium, & pretia peccatorum, atque ad prae-  
 dictum opus explendum traditae. si quis autem,  
 quod absit, secus egerit, videat ne damnationem  
 Ananiae, & Sapphyrae percipiat, & reus sacrilegij  
 efficiatur, sicut illi effecti sunt, qui pretia praedi-  
 ctarum rerum fraudati sunt. Haec fratres valde • Sic est  
 cauenda sunt, & timenda, quia res Ecclesiae non in veteri  
 quasi propriae, sed vt communes, & Domino ob- libro.  
 latae cum summo timore, non in alios, quam in  
 praefatos usus fideliter sunt dispensandae, ne sacri-  
 legij reatum incurrant, qui eas inde abstrahunt, vbi  
 traditae sunt, & quod peius est, anathema mara-  
 natha fiant, & si non vt Anania, & Sapphyra fece-  
 runt, mortui ceciderint, anima tamen, quae po-  
 rior est corpore, mortua, & alienata a consortio fi-  
 delium cadat, & in profundum Barathri labatur. &  
 quae sequuntur. Itaque si res ecclesiae pauperum  
 sunt patrimonium, earum pauper est dominus, &  
 quidem iure optimo. quod ius quicumque violat,  
 cum iustitiae leges euerterit, quos laeserit, quibusq.  
 iniuriam intulerit, obscurum esse non potest. Neq.  
 vero sum nescius, quid altario deseruientibus, ac  
 ministris Euangelij, quid sacris reficiendis, atque

ornandis aedibus debeat, & inter quos exerceri hereditatem hanc oporteat. Sed idem tamen contendo, illos ipsos a pauperum non esse numero coniungendos, sic tamen, ut gradus, dignitatisque eorum ratio habeatur, quam tueri sumptibus possint necessarii. & cum res ita tulerit, ut alterutrum necessarium sit omittendum, fabrica potius, aedificiorumque ac totius Ecclesiasticae suppellectilis pauperum causa multo sit ipsa cura posterior. immo vero res Ecclesiae, si necesse sit, distrahi, diuendi, aurum, argentumque conflare, & in usus pauperum conuertere oporteat. Quod quam vere a me positum sit hoc loco, postea videro. id modo constet, res Ecclesiae pauperum dici bona, pauperum esse patrimonium, pauperum pecunias iure, meritoque appellari. quod si est, perspicuum etiam est, horum bonorum dispensatores quidquid interuenerint, quidquid vitio administrarint, ac flagitiose, luxurioseque perdidierint, dissipauerint, effuderint, Christi pauperibus abstulisse, eosque lege repetundarum teneri. Namque, quod nonnullorum pace dixerim, quam est illud leue ac friuolum, quo tamquam perfugio solent uti, peccatum confitentes, si quis acceptam pecuniam Ecclesiasticus minime Ecclesiastice, & ut religiosum virum decet, expenderit. Ergo patronus, qui pecuniam, remque omnem suam domesticam seruo, vel dispensatori cuicumque administrandam commiserit, si parum bona, vel nulla etiam fide in aliena pecunia versabitur, utriusque scilicet optime cautum putabimus, si dispensator, vel potius ipse tantum patronus fuisse peccatum intellegat, nihil sibi restitui postulet, scutica solus, ac flagello contentus sit. Tu vero, inquit, doce, quae  
me



me contingit, quamq. mihi Episcopus, & Ecclesia  
portionem tribuerit, cum arbitrato meo male cō-  
sumpserim, esse quod pauperibus restituam. Equi-  
dem nihil esse, quam vt id doceam, puto facilius,  
modo illud teneamus, ministro ecclesiae necessaria  
tantum tribui, aut ipsum sibi suppeditare debere.  
Nam si nec Episcopo licet, nisi quibus tantum in-  
digeret, quia videlicet bona sunt pauperum atq. in-  
digetium, Ecclesiae rebus participare, sic enim lo-  
quitur canon XXV. Antiocheni Concilij, quid  
Clericis infra Episcopum liceat, omnes intellegi-  
mus. Beatus Prosper, cuius etiam auctoritate sunt  
vsi Patres in Concilio Aquisgranensi, lib. 1. de vi-  
ta contemplatiua, in eandem sententiam scribit in-  
terpretans Apostoli verba e priore ad Corinthios  
epistula. apud quem inter cetera sic est. Quid est  
aliud de Euangelio viuere, nisi laborantem inde,  
vbi laborat, necessaria percipere. Atque ante Pro-  
sperum B. Hironymus de vita Monacho, Clerico-  
que instituenda, Si autem ego, inquit, pars Domi-  
ni sum, & funiculus hereditatis eius, nec accipio  
partem inter ceteras Tribus, sed quasi leuita, & sa-  
cerdos viuo de decimis, & altari seruiens, altaris  
oblatione sustentor, habens victum, & vestitum,  
his contentus ero, & nudam crucem nudus sequar.  
Cur autem hac tenuitate clericus vitam degere con-  
tentus debeat, docet item Prosper eodem libro.  
Quod si, inquit, quilibet minister Ecclesiae non  
habet, vnde viuatur, non ei reddit hic, sed neces-  
saria praestat Ecclesia, vt in futuro praemium la-  
boris recipiat, quod in hac vita iam spe Domini-  
cae promissionis expectat. Idem plane videtur &  
sensisse, & scripsisse beatus Ambrosius lib. 1. de of-  
ficijs,

ficijs, cap. 2. de ministris altaris, siue de clericis ip-  
sis, cum de leuitarum sorte differit. Idem beatus  
Isidorus in 1. 1. de ecclesiasticis officijs, cap. 1. cle-  
rici nomen quid ipsum proprie significet, osten-  
dens. Ergo sui nominis memor clericus, qualem  
se praeberere debeat, intellet. Iam ne igitur vides  
Clericum necessarijs rebus Ecclesiasticis vtendis  
fruendis contentum esse debere, vt reliquum quod  
est, pauperi cedat. Quod profecto adeo verum est,  
vt si Clerico suppetat, vnde vitā toleret, res Eccle-  
siasticas nō liceat attingere alendi sui, sustētandiq.  
causā. Quod olim admiratus, cum apud Dio-  
nysium Carthusianum virum fide, ac religione  
praestantem, in libro de vita sacerdotum, art.  
xxiv. legissem, veterum, sanctissimorumque Pa-  
trum testimonijs ab eo confirmatum, ac Prosperi  
locum ille alterum adduxisset, omisit alterum, quē  
subijcio nunc ex eodem libro. Nec illi, inquit, qui  
sua possidentes dari sibi aliquid volūt, sine grandi  
peccato suo, vnde pauper victurus erat, accipiunt.  
De Clericis dicit per Prophetam spiritus sanctus,  
peccata populi mei comedunt, sed sicut nihil ha-  
bentes proprium, non peccata, sed alimenta, qui-  
bus indigere videntur, suscipiunt, ita possessores  
non alimenta, quibus abundant, sed aliena pecca-  
ta suscipiunt. Minus dixit vir sanctissimus, atque  
doctissimus, cum etiam necessarijs rebus interdi-  
ctum esse videatur egentibus clericis, si suo indi-  
gnam ordine vitam ducant. Quod mihi signifi-  
care videntur verba illa synodi Romanae. De do-  
nis autem sanctorum, idest, Catholicorum virorū,  
vel matronarum, quae offeruntur Ecclesijs Dei, pa-  
scantur pauperes spiritu, idest serui Dei, & cuncti  
Ecclesia-

Ecclesiastici ordinis degentes caste, ac pie sub regula Christi. Quae postrema verba clerico cui-  
cumque non temere suppeditandam esse pecuniã,  
pauperumque eleemosynas demonstrant. Cur igitur,  
inquit, si quod necessitati superest, pauperum  
proprie esse censetur, Episcopus portionem meam  
tantam esse voluit, quia nimirum te quoque rerum  
Ecclesiasticarum voluit secum esse & participem,  
& dispensatorem. his enim duabus tamquam par-  
tibus constat vita Clericorum. haec cuiusque cle-  
rici, quam possidet, pecuniae bipartita ratio est, ut  
& sibi ipse consulat, & proximorum inopiam sub-  
leuet. Habebat, inquit Beatus Augustinus Ho-  
milia Lxv i. in Iohannem, habebat Dominus lo-  
culos, & a fidelibus oblata suis conseruans neces-  
sitatibus, & alijs indigentibus tribuebat. tunc pri-  
mum Ecclesiasticae pecuniae forma est instituta, ut  
intellegeremus quod praecepit, non cogitandum  
de crastino, non ad hoc fuisse praeceptum, ut nihil  
pecuniae seruarietur a sanctis, sed ne propter illa  
Deo seruiatur. Quod vltimum nimirum idem il-  
lud est, quod supra posui Beati Prosperi, ut in futu-  
ro praemium laboris recipiat. Beatus Ambrosius  
lib. II. officiorum, eo animo sua fideles obtulisse  
dicit Ecclesiae Ministris, ut per eorum manus,  
quorum fidei, atque integritati summa omnia tri-  
buerent, ad pauperes peruenirent. Quo factum  
opinor, ut labente hodie, vel ruente potius Eccle-  
siastica disciplina, per pauci fideles eadem, qua ma-  
iores nostri, in Ecclesiam liberalitate nunc vtan-  
tur. Scio, inquit Ambrosius, plerosque sacerdo-  
tes quo plus contulerunt, plus abundasse, quoniam  
quicumque bonum operarium videt, ipsi confert,  
quod

quod ille suo officio dispensat, securus quod ad pauperem sua perueniat misericordia. Nemo vult nisi pauperi proficere suam collationem. nam si quem aut inmoderatum, aut nimis tenacem dispensatorem viderit, vtrumque despiciet, si aut superfluis erogationibus dissipat alieni fructus laboris, aut recondit sacculis. Reddendum hoc loco existimo, quod supra sum pollicitus, rebus scilicet Ecclesiasticis salutem pauperum longe anteponendam, sic vt omnia potius vendere, si necessitas postuleret, non dubitemus. Quod olim fecisse Beatū Iohannem Chrysostomū, eique ab aduersarijs obiectum fuisse legimus. Namque ille cum pecunia deficeretur, nec haberet vnde pauperibus erogaret, quae cōfecerat ipse cimelia, quibusque abundaret Ecclesia, eius rei causa diuendidit. quod eius factū quantauis dignum laude existimatur. Acacius vero Abidenorum Episcopus, Persarum amplius septem millia, quos Romani bello cepissent, ac nisi pretio redimerentur, eorum se omnium caedem facturos esse minitarentur, cum Rex Persarum, vel id leuiter curaret, vel pecuniam tantam repraesentare non posset, collecta vñdique Ecclesiae vasa cōflauit, captiuos, & quidem Ethnicos, & seruitute, & imminenti periculo liberauit. id quod illi ad omnem posteritatis memoriā summae laudi fuit. Hunc esse auri argentiq. vsum in Ecclesia dei docet item beatus Ambrosius libro de officijs. 11. Quē locum ne quis desideret, iam subijcio. Aurum, inquit Ambrosius, Ecclesia habet, non vt seruet, sed vt erogat, vt subueniat necessitatibus. Quid opus est custodire, quod nihil adiuuat. an ignoramus quantum auri, atq. argenti de Templo Domini

mini Assyrij sustulerunt. nonne melius constant sacerdotes propter eleemosynam pauperum, si alia subsidia desint, quam sacrilegus cōtaminata aspor tet hostis. nonne dicturus est Dominus, cur passus es tot inopes fame mori. & certe habebas aurum, ministrasles alimoniam, cur tot captiui deducti in cōmercio sunt, nec redempti ab hoste occisi sunt. melius fuerat, vt vasa viuientium seruares, quam metallorū. His non potest responsum referri. quid enim dices. timui, ne Templo Dei ornatus deesset. Respōdebit, aurum sacramēta non quaerunt, neq. auro placent, quae auro non emuntur. ornatus sa- cramentorum, redemptio captiuorum est. vere illa sunt vasa pretiosa, quae redimunt animas a morte. ille verus Thesaurus Dñi est, qui operatur, quod sanguis eius operatus est. Tunc vas Dominici san- guinis agnosco, cum in vtroque video redemptio- nem, vt calix ab hoste redimat, quos sanguis a pec- cato redemit. Quam pulchrum, vt cum agmina captiuorum ab Ecclesia redimuntur, dicatur, nos Christus redemit. ecce aurū quod probari potest, ecce aurum vtile, ecce aurum Christi, quod de mor- te liberat, ecce aurum, quo redimitur pudicitia, seruatur castitas. hos ergo filij malui vobis liberos tradere, quam aurum seruare. hic numerus capti- uorum, hic ordo praestantior est, quam species po- culorum. huic muneri proficere debuit aurum re- demptoris, vt redimeret periclitantes. agnosco in- fusum auro sanguinem Christi, non solum inruti- lasse, verum etiam Diuinae operationis inpressisse virtutem redemptoris munere. Tale aurum san- ctus Martyr Laurentius Domino reseruauit. a quo cum quaererentur Thesauri Ecclesiae, promisit se demon-

demonstraturū sequenti die. pauperes duxit. interrogatus vbi essent Thesauri, quos promiserat, ostendit pauperes, dicens, hi sunt Thesauri Ecclesiae, & vere Thesauri, in quibus Christus est, in quibus fides est. hos Thesauros demonstravit Laurentius, & vicit, quod eos nec persecutor potuit auferre. Numquid dictum est Sancto Laurentio, non debuisti erogare Thesauros Ecclesiae, vasa sacramentorum vendere, & cet. At Beatus Flavianus Constantinopolitanus Episcopus, ad quem exstat illa Beati Leonis Papae Euangelicae paene auctoritatis epistula, non modo idem sensit, & probauit, sed esse res omnes Ecclesiasticas pauperū declarauit. quod ea, quae de pauperum praerogatiua, & bonorum Ecclesiae iustissima possessione supra posui, etiam confirmat. Magnus, inquit, Flavianus Episcopus Constantinopolitanae Ecclesiae dixit, cimelia, & quaecumque possidet Ecclesia, non alibi, quam in subleuandis pauperibus inpendi debere. De aedificationibus vero sacrarū aedium, hac ipsa de causa deponendis, & sentire, & testari videtur Isidorus Pelusiota, auctor antiquissimus, & grauissimus. cuius ex Epistula ad Eusebium Episcopum sunt haec. Aiunt te Ecclesiam Pelusij aedificare arte atque opere quidem pulcherrimo, sed iniquissimis rationibus, perque summā iniuriam, ac magno pauperum malo, quorum impensis opus facis. Quod profecto nihil aliud est, nisi Sion in sanguinibus, & Hierusalem in iniquitatibus aedificare. Deus autem non ex alieno sacrificium requirit, sed id cane peius abominatur. & quae sequuntur apud illum. Effectum arbitror vtrumque, & necessaria tantum sumenda Clerico de bonis

de bonis Ecclesiae, & eorum quantumcumq; acceperit, esse dispensatorem oportere, si quid necessarijs superest sumptibus. Nunc illud, quod rem maxime continet, etiam demonstrandum est, quam in eo culpam Clericus contraxerit, non cuiuscumq; peccati, aut criminis esse nomine appellandam, sed furti, sed rapinae, sed sacrilegij. Quod si ita est, & quod furto scelus admiseris, non nisi restitutione demum expiari, quod Clerico supererat, quoniam pauperi negavit, atque subtraxit, debet id omnino restitui. Origenes bomilia in Matthaeum XVI. fraudandi verbo in hoc utitur genere. Diaconi, inquit, qui non bene tractant Ecclesiasticarum pecuniarum mensas, sed semper de eis fraudant, & ipsas, quas dispensant, non secundum iustitiam dispensant, & diuites fiunt de rebus pauperum, ipsi sunt nummularij, pecuniarum mensas habentes, quas Christus evertit, & cer. At qui fraudat, alteri, quod suum est adimit. quod qui facit, idem furatur, vel quod grauius supra dixit Urbanus, sacrilegium in rebus admittit Ecclesiasticis. Disertius, opinor, ac dilucidius beatus Bernardus in Epistula ad Fulconem. Verumtamen, inquit, quae sunt illa tua beneficia Ecclesiae. recte, quia surgis ad vigilias, vadis ad missas, horis chorum nocturnis, diurnisque frequentas, bene facis, sic Ecclesiae praebendam gratis non accipis. dignum est, ut qui altario deferuit, de altario viuat. conceditur ergo tibi, ut si bene deseruis altario, viuas, non autem, ut de altario luxurieris, ut de altario superbias, ut inde compares tibi fraena aurea, sellas depictas, calcarea deargentata, varia, griseaque pellicea, a collo, & manibus ornatu purpureo diuersificata, denique quid  
quid

quid praeter necessarium victum, ac simplicem vestitum de altario retines, tuum non est, rapina est, sacrilegium est. & reliqua apud sanctissimum virum, quae legenda omnibus ecclesiasticis viris magno opere suadeo. Non est, inquit Bernardus, tuum, quorum sit autem, expressit Magnus Basilii homilia in sanctum Mamantem, qui panem illum viduarum dixit, & pupillorum, cum Episcoporum negligentiam, vel inhumanitatem potius accusaret. Si non est igitur Clericorum, quod praeter necessarium victum, ac simplicem vestitum retinent, ijs, quorum est, reddant. si rapina, quibus abstulerunt, restituat. si sacrilegium, Templis Dei, hoc est eius pauperibus reponant, quos rebus omnino suis sacrilegi nudauerunt. An non idem sanctum Concilium Carthaginense, cum Episcopum, presbyterum, diaconum, vel quemcumque clericum denique, qui ante ordinationem nihil haberet suum, ordinatus, agro, praedijsue, nisi vel liberalitate alterius, vel hereditate fuisset auctus, iussit illa omnia Ecclesiae restituere. negantem parere, ecclesiastico indignum honorem esse, haberique iudicavit. Nimirum abstulisse furto iudicatur, qui restituere cogitur. furatus autem existimatur, qui necessarijs rebus contentus, non habebat unde emeret non necessaria. Lege canonem in concilio Aquisgranensi capite Lxxix. Ego vero in necessariarum rerum modo statuendo pro dignitatis, aetatis, temporis, valerudinis ratione, & canonas, & sanctorum Patrum scripta, dicta, facta, quae nemini non sunt proposita, atque obuia, iterum, atque iterum clara voce testatus appello, & Clericorum omnium conscientias, quarum ad ostium stat Christus, & pulsat,

Concil.  
Cartha.  
can. 32.



pulsat, tacitus etiam conuenio. Vtinam sapiant, & intellegant, quicumque sacra pecuniam tractat, colligunt, dispensant quocumque nomine, ne praeter necessitatem rebus abutentes sacris, sacrilegij necessario crimine teneantur obstricti. Verum omnia vitari facile possent incommoda, & scadala, si maiore religione, studio, atque dilectu hominum fierent ordinationes, tam maiorum, quam minorum ordinum. Quo in genere tribus modis peccari ab ordinatoribus, Beatus Gregorius docuit, triplici videlicet ab eo qui ordinatur, praestando, atq. offerendo munere, a manu, a lingua, ab obsequio. Quam sit autem perniciosum Episcopis, penes quos est ordinatio, in malis ordinationibus flagitium, luculente quidem Iohannes Chrysostomus scribit in interpretatione Actuum Apost. Est enim apud illum sic. Multos Episcoporum saluos esse non arbitror, immo vero maximam eorum partem perire atque damnari. cuius rei causa ea est, quod opus, ac negotium id sit magni, ac praestantis animi, quodque ui, ac necessitate saepe cogat mores omnino suos exuere, ac deponere. Etenim multipliciter vnde cumque oculatum esse oportet Episcopum. Neque vero mihi tu illud dixeris, peccatum presbyteri est, aut Diaconi. horum enim omnium culpa, & peccatorum causae in ordinantis caput videlicet referuntur, ac redundant. Quid Beato Leone PP. sanctius. quid in ordinando religiosius, ac circumspectius. & tamen quanti res ipsa sit, ut intellegeretur, de eius oratione ad Apostolorum principem B. Petrum, deq. Apostoli ipsius apparitione, ac responso, in opere quod *λεημονάριον* graece inscribitur, memoriae traditum hoc modo legitur. San-

Batissimus,

atissimus, ac per Angelis Leo Romanorū praefuit,  
quadraginta diebus. mansit ad sepulchrū B. Petri,  
in ieiunio, & oratione perseverans, & petens ab  
Apostolo, vt pro se ad Deum intercederet, sua sibi  
peccata vt dimitterentur. completis autem quadra-  
ginta diebus, visus est illi adesse Apostolus dicens,  
oraui pro te, & remissa sunt tibi omnia peccata,  
praeter ordinationes. hoc enim a te solum postula-  
bitur, bene, an male ordinationes feceris.

**H**AEC sunt, vir ornatissime, quae pridem stu-  
diose colligebam, & commentabar. quae, si vt  
de re ipsa inter nos conuenit, sic ad rem quoque  
fecisse tibi videbuntur, nosque de eo amabis, ego  
vero tum huius operae meae fructum me cepisse  
maximum putabo. Vale, Dat. Romae. Kal. Iulij.  
Anno sal. M. D. LXXIV.

FINIS.



MARTINVS

MARTINVS AB AZPILCVETA  
DOCTOR NAVARRVS,

ACHILLI STATIO LVSITANO

viro eruditissimo, multisq. nominibus

suspiciendo, in Domino

salutem.



PISTVLAM tuam, & Com-  
mentarium de pecuniae Ecclesia-  
sticae ratione, caritate, religione,  
prudētia, modestia, eruditione, &  
elegantia plenam, iucunde suscepi,  
auide perlegi, & eam tuo nomine  
iniquae fama dignam comperi. simul in animum  
induxi, tuae auctoritatis adeo validis fundamentis  
innixae accessione, nostrae, quae verior, receptior,  
quaeque pientior & salubrior est, sententiae multum  
roboris addi posse. Ideoque e Repub. Christ. eam eden-  
dam, typisque publicandam iudicaui. Vale nostrae  
Lusitaniae decus. Dat. Romae, XV l. Kal. August.  
M. D. LXXIV.

B 2 ACHILLIS

ACHILLIS STATII  
LVSITANI,  
*De pensionib. Commentarius.*



ST omnino cur in Domino gaudeam mihi, gratuler autē ijs, quos salutis suae plane oblitos, & rerū suarū pessime securos mea illa clarissimo viro Martino Azpilcuetae Nauarro de Ecclesiastica pecuniae ratione scripta nuper Epistula tantae causae indormientes excitauit, cōmouit, pupugit. In quib. quod rebus praecclare susceptis fere accidit, alij laborem meum quasi minime necessarium, & a mea, vt loquebātur, persona valde alienum inprobare, alij vero, quib. illa nostra scriptio medicinam fecisset, laudare palam non dubitarunt. Nec eo contenti, vehementer etiā me hortati sūt, vt quid finitimo huic altero illo de genere, quod pensiones vocant, sentirem, cōmentariolo item altero cōprehensum publice me nō inuito appareret. Magnam enim in animis hominū pestem grassari, alios inscitia, rectiq. atq. honesti ignoratione, alios inexplebili cupiditate rei, sed quocumq. modo augendae rei, transuersos agi dicebant, quib. modo si docendo, atq. admonendo quodāmodo aurem vellerē, miserātis Dei benignitate fore confirmabant, vt a diaboli demū laqueis resipiscerent. Ergo & imperfectae scriptionis illius, vt nonnullis videbatur, perficiundae caussa, & fraterna caritate, qua nihil homini Christiano antiquius, aut sāctius esse debet, adductus, quod reliquū est officij, a me desiderari nolui. Ac mihi quidē diu multumq.

multumq. quaerenti, quis quo primū tempore cum  
 re pensionis hoc ipso in genere nomen ediderit, cer-  
 ti nihil, exploratiq. constabat. nec vllius vllū hac  
 ipsa de re scriptum, cum nonnulla tamē extarent,  
 certū aliquem ad auctore referēbat. Itaq. qui nihil  
 aliud haberē, in eam, vetera repetens, opinionem  
 veniebam, vt pensiones non dissimiles collectarū  
 earum, quae in sanctos, siue Christianos olim fie-  
 bant, ac de quibus Paulus Apostolus in priore ad **Cap. 16.**  
 Corinthios epistula meminit, existimarem. Sic autē  
 fiebat, vt fratrum opibus, ac benignitate requiesce- **Ad Phile.**  
 rent scilicet egētium viscera sanctorū, quod ipsum  
 caritatis ac beneficentiae genus idem cōmendans  
 Apostolus in epistula ad Romanos, Neccēitatibus, **Cap. 12.**  
 inquit, sanctorum cūmunicantes. Mittebantur col-  
 lectae longe ad egentes fratres. hodie quoque haec  
 ipsa pensionū subsidia ad absentes, & ad eos saepe,  
 qui locorum sunt interuallis lōgissime dissiti, mit-  
 tuntur, vtinā etiam ad egentes. Etenim si pauperū  
 est omnis ecclesiastica pecunia, quibus est vnde vi-  
 uant, iniusti omnino sunt talium possessores bono-  
 rum. Nam si ne Ecclesiasticis quidem hominibus  
 abundare ad luxum his bonis licet, qui ferunt ipsi  
 pondus diei, & aestus, multo profecto minus lice-  
 birijs, quorum aut nullus, aut perexiguus est in Ec-  
 clesia Dei labor. quib. vel oculis, vel mente capis,  
 vel quouis alio graui adfectis incōmodo, ne misera-  
 biliter egeant, vel quod suam Ecclesiae operā na-  
 uauerunt, nauent, vitā tueri pro cuiusq. persona,  
 meritisq. honeste vt possint, annum decernitur. **Vtrūq. ge-**  
 Quod cum voluntate Pont. Maximi atq. auctori- **nus homi-**  
 tate fiat, cum autem, qua Christi vicarius est, vllā **num. com-**  
 in partem peccasse nefas omnino sit existimare, cū **plectitur.**  
**Tho. 2. 2.**  
**3. ad 3. vbi**

B 3 huic, de decimis.

huic, illi pensionē de beneficio defalcet, ac decidat  
 Ecclesiastico, re ipsa ostendit, cui amplū beneficiū  
 contigerit, non suos continuo fore omnes illos red-  
 ditus, sed cum pauperibus etiam cōmunes. & quod  
 2. 2. 3. ad ille pauperib. atq. egentib. incertis hominibus tri-  
 pri. buere debebat, hoc Pont. Max. vni pluribusue cer-  
 tis hominibus legitima de causa voluisse adtribui.  
 Est aut panis hic Ecclesiasticus nō nisi quouomo-  
 do laborando in Ecclesia Dei, orando, prædicando  
 vel quiduis aliud agēdo, quod ad saluatoris nostri  
 Dei laudē, vel ad fratrū nostrorū necessarios vsus  
 1. ad Thef. pertineat. Si quis enim, inquit Apostolus, nō vult  
 cap. 3. operari, nec manducet. Atq. eodē illo loco Paulus  
 grauisimis verbis panē scilicet ecclesiasticum ab  
 aliquo gratis nō esse manducandū docet. apud quē  
 in extrema posteriore ad Thessalonicēses epistula  
 sic est. Ipsi enim scitis quemadmodū oporteat imi-  
 tati nos, quoniam non inquieti fuimus inter vos,  
 neq. gratis panē manducauimus ab aliquo, sed in  
 labore, & fatigatione nocte, & die operātes, ne quē  
 vestrum grauaremus. Non quasi non habuerimus  
 potestatem, sed vt nosmetipsos daremus formam  
 vobis ad imitandū nos. Nam & cum essemus apud  
 vos, hoc denuntiabamus vobis, quoniam si quis  
 non vult operari, nec manducet. Audiuius enim  
 inter vos quosdam ambulantes inquiete, nihil ope-  
 rantes, sed otiose agentes. Vide Apostolū plus cete-  
 ris in Euangelio laborantē, minus tamen ceteris,  
 ac parcissime, vel etiā nihil cuiusquam attingentē,  
 ac ne concupiscentem quidem. De se enim ipse in  
 Cap. 10. Actibus Apostolor. sic loquitur. Argentū, & aurū,  
 aut vestem nullius concupiui, sicut ipsi scitis, quo-  
 niam ad ea, quæ mihi opus erāt, & his qui mecum  
 sunt,

sunt, ministraverunt manus istae. Atq. his quidem  
 verbis atq. exēplis fruendae ecclesiasticae pecuniae  
 modum, rationemq. praescripsit Apostolus, vt cō-  
 modorū quidē minimum, laboris autem in eo es-  
 set plurimū. Quo fit illud etiam probabilius, quod  
 in superiore commentariolo posui, qui haberet,  
 quantumvis Ecclesiae seruienti, non esse cur ab Ec-  
 clesia quidquam sumeret. Ergo & ii, qui pensioni-  
 bus victitant, in Ecclesia Dei nullo modo otiosi es-  
 se debebunt. Non enim stantiū est ille, aut otiosorū  
 panis, de quo in vniuersum dici id potest, nisi egen-  
 ti, nisi operanti in ecclesia, nisi parce etiā fument,  
 nemini esse manducandū, siue beneficio, siue pen-  
 sione, siue quocumq. alio erogationis genere panis  
 ille continetur. Non committam, vt B. Gregorij lo-  
 cum silentio transeā, quo vir sanctissimus praecle-  
 re mihi haec cōplexus omnia videtur, quēq. Ama-  
 larius Fortunatus Treuerēsis Episcopus scriptis in-  
 texuit suis, Pensamus, inquit, cuius damnationis sit  
 sine labore hic percipere mercēdē laboris. Ecce ex  
 oblationibus fideliū viuimus, sed nūquid pro ani-  
 mab. fidelium laboramus. illa in nostrum stipē-  
 diū sumimus, quae pro redimendis peccatis suis fi-  
 deles obtulerunt, nec tamen contra peccata eadem  
 vel orationis studio, vel praedicationis, vt dignum  
 est, insudamus. nos fratres cantemus in nocturnali  
 officio totidem psalmos, quot horae sunt in nocte  
 aequinoctiali, & ex statu tēporis discamus debito-  
 res nos esse pro peccatis eorum intercedere, quorū  
 oblationibus sustentamur. & ex senis antiphonis,  
 quas vicissim chori per singulos versus repetunt,  
 admonemur, vt nostra intentio tendat ad perfectio-  
 nem bonorum operum, qui pro aliorū peccatis de-

bitores sumus intercedere. si fecerimus non erit pe-  
riculosa, & reprehensibilis suscepta oblatio fidelium  
à nobis, dicente Evangelio, dignus est enim opera-  
rius cibo suo. Nam quod fidelium oblationibus su-  
stentari clerum dicit, parsimoniam simul, & in-  
digentiam significat. qui enim adfluit, non susten-  
tari, sed stare, sed abundare, sed luxuriare etiam di-  
citur. Quod vero laboris, quod orationis, quod  
prædicationis studium commendat, quod debito-  
res pro peccatis aliorum ut intercedant esse cōme-  
morat, operandum omnino in Ecclesia, laboran-  
dumq. etiam atq. etiā moner. Itaq. in Ecclesia Dei  
cum vacuum, atq. otiosum esse neminem, cum nō  
nisi egentem, nisi modestum, ac temperantem de  
pane illo esse oporteat, quid ei, qui pensionibus vi-  
tam tolerat, faciendum sit, obscurum esse non po-  
test. Illud vero inter eum, qui beneficio in Eccle-  
siastica sorte, & eum qui pensione vitam ducit, in-  
teresse putauerunt optimi, doctissimiq. viri, quod  
beneficia ipsa propria, ac perpetua, quae nisi cum  
vita non amittantur, esse censuerunt, pensiones ve-  
ro, non nisi temporarias, non cum vita, sed cum ne-  
cessitate relinquendas. Nam si quis pauperem ven-  
titare ad se cotidie alendi sui causa iubeat, ille lau-  
tior factus, vel cum pauper esse desierit, ad eum, qui  
se alebat, ut pauperem, eadē de causa venire utiq.  
desinet. Etenim sublata causa, etiam id quod caus-  
sam sequitur, necesse est esse sublatum. Hoc autem  
genus pensionis eiusmodi est, ut simile eius aliquid  
Apostolicis temporibus quaerenti collectae tantū oc-  
currant illae, de quibus iam dixi. propiora, sed vete-  
ra tamē inuestiganti praesto sint diaconiae, agapes  
videlicet, siue eleemosynarū in egentes ipsos distri-  
butiones,



149  
 butiones, siue erogationes, quamquā hae quoq. ad  
 illa possunt Apostolorum referri tempora. id quod  
 paullo post etiā breuiter admonebimus. quod olim  
 in clero, ac coenobijs ipsis propriū quorundam mu-  
 nus fuisse legimus. qua de re exstat in Vaticana bi-  
 bliotheca, nisi fallor, homilia B. Iohannis cogno-  
 mento Chrysostomi. certe veteri meo in libro, in  
 quo magni illius Barfanuphij responsa multa cōti-  
 nētur, sic legebam, *ἰδελφούστις κρατῶν ἐν τῷ κοινοβίῳ  
 διακονίαν, ἡρώτησε τὸν μέγαν βαρσανούσιον.* Hoc est,  
 frater quidam, qui diaconiae munereungebatur  
 in coenobio, magnum Barfanuphium rogauit, &  
 quae sequuntur. Atq. alibi eodē in libro, *Μοναχούστις  
 διβλῖος ἔσχε χάρισμα διακονίας παρὰ θεῶ, ἵνα ἐλάσων  
 τοὺς προσηρχομένους οἰκονομῇ πρὸς τῶν χρεῖαν.* Hoc est  
 monachus quidam Thebanus gratiam diaconiae  
 a Deo acceperat, vt vnicuique pro indigentia di-  
 spensaret necessaria. Et saepe sic alibi eodem in li-  
 bro. Hoc ipsum credo munus intellegens B. Gre-  
 gorius in nono epist. ad Iohannem religiosum scri-  
 bit haec, Licet eos, qui quia intētionē sollicitudinis  
 curam egenis ac debilibus inpendunt, sua apud  
 omnes valeat tueri deuotio, melius tamē est, si per  
 quietem suam de his muniti fuerint, quae gesserint,  
 ne inde eis inquietudinis occasio, vnde magis lau-  
 dandi sunt, oriatur. Quia igitur te Iohannem reli-  
 gioso intentionis tuae studio prouocati mensis pau-  
 perum, & exhibendae diaconiae eligimus praepo-  
 nendum. Et quae reliqua sunt apud illum. Quem  
 in vsum fere instituti etiā diaconi ab Apostolis **AA. 6.**  
 leguntur, ac Romae postea etiā diaconi, & dia-  
 coniae, idest sacra loca, vbi egentium multitudinē  
 ministrarent necessaria. Hunc morem ceteros etiā  
 alibi

alibi episcopos tenuisse demonstrat idem B. Gregorius eodem in libro Epist. ad Paschasium Neapolitanum Episcopum. Similes horum tum in clero, ac monasterijs, tum apud Reges, ac principes viros aetas nostra multis in locis eleemolynarios vocat. Non sunt autem vlllo vmquam tempore omittendae diaconiae, sed non in eisdem semper exhibendae, nisi quamdiu egent videlicet, aut eorum vitur opera Ecclesia Dei. Ergo genus ipsum retinendum in perpetuum, non tamen idem semper homines hoc ipso beneficiæ genere, hoc est diaconiae, etiam sine profusae largitionis vitio, suble-

Tit. Vt Ec  
clesiastica  
benefic. si-  
ne dimin.

uandi. Quod ipsum cum fit, non cum diminutione beneficia conferuntur ecclesiastica, cum beneficia certis ecclesiasticis viris tantum, diaconiae certis, incertisue exhibeantur hominibus. Neque vero sum nescius verbum ipsum pensio legi apud Gregorium in eius epistulis, sed id ipsum saepe pro beati Petri pecunia, siue reditu ex ecclesiasticis patrimonijs. Temel, quod quidem meminerim, dubium atq. anceps, vel ad id quo de nunc agitur, significandum, vel quod esse probabilius puto, pro eo, quem dixi, reditu annuaq. pecuniae, frumeti, aliarumq. rerum perceptione. Sed nos eius epistulam ad Anthemium subdiaconum totam, in qua verbum illud anceps legitur, vt erat in perueteri libro de vita Gregorij ipsius, quam Iohannes diaconus Romanus diligentissime perscripsit, multas eius epistulas saepe contexens, describamus. Discedenti tibi mandauimus, & postmodum praecipis discurrentibus iniunxisse memini, vt curam pauperum gereres, & si quos illic egere cognosceres, scriptis recurrentibus indicares. Et vix de paucis haec

haec facere curasti. Volo autem ut domnae Pat-  
 riae thiae meae mox praesentem iussione susce-  
 peris, offeras ad calciarium puerorum solidos qua-  
 draginta, & tritici modios quadringentos. Dom-  
 nae Palatinae relietae Urbici solidos. XX. & tritici  
 modios trecentos. Domnae Viuitanae relietae Fe-  
 licis solidos. XX. & tritici modios. CCC. qui om-  
 nes simul octoginta solidi in tuis rationibus inpu-  
 tentur. summam vero pensionis sub festinatione  
 educito, & ad paschalem diem domino auxiliante  
 occurrito. Certe quidem hac ipsa ex epistula, ce-  
 terisq. ad eundem Anthemium sequentibus plane  
 perspicimus, quae pensionis, siue diaconiae ratio  
 atq. usus fuerit, eamq. nonnunquam annuam. ad-  
 dit enim B. Gregorius non semel in epistulis ad eu-  
 dem Anthemium verba illa, Annis singulis, & ege-  
 statem fratrum nostrorum sequi tantum solitam,  
 atq. eodem hoc eleemosynarum genere, non viro-  
 rum modo, sed viduarum etiam solitudini atq.  
 inopiae consultum fuisse. Non commitram, ut  
 hoc loco videlicet supprimam, quae Cantuariensis  
 Archiepiscopus apposite hac in sententiam scribit  
 ad Cistercienses, qui decimas, ut idem loquitur,  
 auferebant clericorum, quae cum dominis siue cle-  
 ricis auferuntur, alijs tribuuntur, eadem prorsus  
 sunt cum temporum nostrorum pensionib. id quod  
 ille, cum Pont. maximi voluntate sit, esse tempo-  
 rarium, ac necessitatis tantum causa dicit institu-  
 tum, atq. ipsa cum necessitate desinere. Nomen  
 ipsum Archiepiscopi non exprimitur, sed eius tan-  
 tum nominis. A. princeps littera, qui tum scilicet  
 nouissimus fuisset, ponitur id quod in aliorum no-  
 minibus saepe fit eodem in libro. Si quis vero oba-

Pro, Pate-  
 riae thiae  
 meae, vitio  
 ut mihi q-  
 de videtur,  
 scriptu le-  
 gitur, pa-  
 triarchiae  
 meae. Quo  
 verbo, thia  
 plane grae-  
 co ut illa  
 tunc aetas,  
 sic vulgus  
 etiam nunc  
 vitur Ita-  
 licum.

scusa

scura in re coniecturae locus est, Anselmum putat virum sanctissimum, quod proxime superiorib. illis temporib. nemo alius Cantuariensis Archiepiscopus fuerit, cuius ab. A. elemento nomen incipiat. Haec aut apud Petrum Blesensem omnib. doctrinae pietatisq. laudib. cumulatū virū epistula numeratur LXXII. In qua inter cetera sic erat. Testimonio sacrae paginae decimae tributa sunt egentium animarum. Et quae est haec iniuriosa inmutas, ut exempti sitis a decimarum solutione, quibus obnoxiae terrae erant, antequam vestrae essent. & quae solutae sunt haecenus ecclesijs non personarum obtentu, sed territorij ratione. Si in vestram possessionem terrae deuolutae sunt, quare in hoc periclitatur alienum ius. nam ad vos terrae iuxta communem aequitate cum suo onere transierunt. Ut quid in alienam iniuriam terras, & nutrimenta vestra priuilegiari facitis, ut auferatis quod alienū est. Numquid Abel de nutrimentis suis dominū non respexit. Numquid iustiores estis primo omnium iusto, & ut vos contra dei iustitiam erigatis. Per prophetam praecepit dominus decimas inferri in horreum suum. vos ab eius horreo iubetis auferri. Habet iustitia diuinae legis, ut in leuitarum sortem cedant decimae. vnde & iustitiae Dei manifeste resistit, qui ministris ecclesiae nititur ius decimationis auferre. Sane & ex his, & cōsimilib. satis liquet, quod si virtus obedientiae esset in solutione decimarum, aut reddituum, aut in exhibitione juris alieni, facile detrectaretis oboedientiae iugum. Milites Galliarum sibi ius decimationis vsurpant, nec vestris priuilegijs deferentes, eas a vobis potenter extorquent. aduersus eos debere-

tis

tis insurgere, non aduersus clericos, aut ecclesias  
 clericorum. Debetis recolere vos quandoq. fuisse  
 clericos, atq. sacramenta salutis in eorum ecclesijs  
 percepisse. Sed Christianae professionis vinculū,  
 & deuotio filialis adfectus priuilegiales induit,  
 & sub religionis praetextu transijt in cōtemptum.  
 Non ponimus os nostrum in caelum, nec de facto  
 summi Pontificis disputamus. Sed si dominus Pa-  
 pa indulgētia speciali quandoq. praeuilegiauit uos,  
 dum ordo vester in paupertate gaudebat, dum in  
 vsus egentium suae tenuitatis viscera liberaliter ef-  
 fundebat, potuit tolerari ad tempus, licet in com-  
 munem redundaret iniuriam, quod causa neces-  
 sitatis fuerat introductum. nunc autem quando ve-  
 strae possessiones multiplicatae sunt, etiam in in-  
 mensum, priuilegia haec potius ambitionis, quam  
 religionis instrumenta censentur. Et reliqua apud  
 eundem. Quod si illi iustissima querella apud mo-  
 nachos ac religiosissimos homines vti licuit, quod  
 rebus aucti, non necessarijs clericorum decimis  
 fruerentur, quanto iustius alij sunt eodem condem-  
 nandi crimine. Veritatis huius reliquias in episco-  
 porum exemplis hodieque licet agnoscere, quibus  
 dignitatem & redditus ad eam tuendam necessa-  
 rios obtinentibus, beneficia, & pensiones, si non  
 isdem Pontificis Maximi priuilegio cauetur, reti-  
 nere non licet. Cum sint igitur pensiones ipsae,  
 ecclesiasticae, piaeque in pauperes eleemosynarū  
 erogationes, quod pauperi debetur & erogatur,  
 habenti merito negatur. Desine igitur quisquis es,  
 pauperum bonis inhiare. si eges, nec vt non egeas  
 vllis bonis artibus, honestisq. rationibus potes ef-  
 ficere, tu vero e sanctorum patrum praescripto  
 his

v. ad Tim.  
cap. 6.

his ipsis, vt decet, bonis vtere. si non eges, miserere  
animae tuae, quam egenam in gehennā agens prae  
cipitem, miser, & caecus is perditum. Vnde te om  
nium hominum salutis amantissimus Paulus Apo  
stolus reuocans, qui volunt, inquit, diuites fieri, in  
cidunt in temptationem, & in laqueum diaboli.  
Atq. eundem mox veras christiani hominis expli  
cantem, promentemq. diuitias, & ad earum te stu  
dium cohortantem potius audi. Tu autem, inquit,  
o homo Dei, haec fuge. sectare vero iustitiam, pie  
tatem, fidem, caritatem, patientiam, mansuetudi  
nem, & cetera apud eundē. Animaduertis, opinor,  
quae sint Christiani hominis opes, spirituales scili  
cet, quas eo veriores, ac magis proprias electi ge  
neris esse intellegimus, quo nos acrius aliarum re  
prehendenda cupiditate aduersarius noster diabo  
lus incendere, atq. inlaqueare contendit. cui malo  
nisi mature fortiterq. resistamus, serpit in dies la  
tuis, saeuitq. in viscera, vix vlla ratione sisti vt pos  
sit. Verissima est enim Isidori abbatis illa sentētia,  
*θενός καὶ πάντολμος τῆς φιλοχρηματίας ἔρως, κόρον οὐκ*  
*εἰδὼς ἐπὶ τὸ ἔσχατον τῶν κακῶν τιμὴν ἀλῶσαι ἐλαύνει. Ἰν*  
*χλιν. Οὐκοῦν ἐν προσιμίῳις μάλιστα αὐτὸν ἐλάσωμεν. Κρα*  
*τῆσας γὰρ ἀχέραιτος ἔσται.* Vehemens est, inquit, &  
confidentissima libido auaritiae. quae cum expleri  
nequeat, quorum animos semel occuparit, ad  
summam pernitiē deducit. Ergo statim hanc tam  
quam in prooemio pellamus. Namque vbi animis  
ipsis victrix infederit, expugnari, euellique non  
potest. Nimirum hoc illud est, quod Apostolus la  
queum dixit, quem in laqueū se quis vbi induerit,  
ab eo explicare sese, atq. expedire, vel, vt idē loqui  
tūr, resipiscere nō facile potest. Quod ne accadat, &  
tua ope bone IESV, & nostra vtinā fiat diligentia.

FINIS.

351378

2

174. 1-5

152

